

CHEEB TSAM NROOG BROWN LUB THAWJ FAB HAUJ LWM SAIB XYUAS COV KEV PAB CUAM KEV NOJ QAB HAUS HUV THIAB TIB NEEG



Feem Hauj Lwm Saib Xyuas Kev Noj Qab Haus Huv Rau Pej Xeem

111 N JEFFERSON ST
P. O. BOX 23600
GREEN BAY, WI 54305-3600

Anna Nick, MS, Tus Neeg Dhia Hauj Lwm Saib Xyuas Kev Noj Qab Haus Huv Rau Pej Xeem

TUS XOY TOOJ: (920) 448-6400
@BrownCountyPublicHealth

FEV: (920) 448-6449

VEV XAIB: www.StayHealthyBC.com

FACEBOOK:

Lub Peb Hlis Ntuj Tim 18, 2026

Nyob zoo txog Cov Niam thiab Txiv/Cov Neeg Saib Xyuas Me Nyuam Nyob Hauv Cheeb Tsam Nroog Brown,

Thaum uas Cheeb Tsam Nroog Brown Lub Chaw Hauj Lwm Saib Xyuas Kev Noj Qab Haus Huv Rau Pej Xeem yuav soj ntsuam cov neeg mob ua qhua pias mus ntxiv nyob ib ncig ntawm Teb Chaws Mes Kas (U.S.) thiab hauv Wisconsin (WI), peb xav xa qhia txog tej ntaub ntawv qhia paub hais txog cov mob ua qhua pias thiab txoj hau kev pov thaiv koj tus kheej, koj (cov)tus me nyuam, thiab koj lub tsev kawm ntawv thiab lub zej zog.

Txij thaum Lub Ib Hlis Ntuj Tim 1–Lub Peb Hlis Ntuj 6, 2026, twb tau muaj neeg mob 1,281 leeg uas muaj tus mob ua qhua pias hauv Teb Chaws Meskas lawm (Chaw Muab Ntaub Ntawv: [Cov Neeg Mob thiab Kev Sib Kis Mob Ua Qhua Pias | Mob Ua Qhua Pias \(Rubeola\) | CDC](#)). Tab sis WI tsuas tau muaj 2 tug neeg mob uas qhia meej tias muaj mob txog tam sim no hauv xyoo no Lub Thawj Fab Saib Xyuas Hauj Lwm Txog Cov Kev Pab Cuam Rau Fab Kev Noj Qab Haus Huv Hauv Xeev Wisconsin Daim Phiaj Qhia Txog Cov Mob Ua Qhua Pias uas tau hloov kho tshiab hauv txhua lim tiam [ntawm no](#)), qhov kev pheej hmoo rau cov neeg mob ntxiv thiab tseem yuav muaj kev sib kis hauv peb lub tsej zeg mus ntxiv. **Vim nyob rau Ncuaj Sij Hawm So Tsev Kawm Ntawv Hauv Lub Caij Nploo Ntoo Hlav yuav los txog no, tej zaum qee leej yuav tag kev tawm mus rau lwm lub xeev los sis lwm teb chaws, thiab qhov no tuaj yeem ua rau muaj kev pheej hmoo yuav kis tau tus mob ua qhua pias. Kev ua pob tw sib nkhuav yuav yog qhov tseem ceeb rau kev tiv thaiv cov mob ua qhua pias.**

Koob tshuaj tiv thaiv kab mob MMR yeej muaj kev nyab xeeb thiab siv tau zoo heev rau ntawm kev tiv thaiv Cov Mob Ua Qhua Pias, Ua Npuag, thiab Mob Ua Qoob. Cov kws tshawb fawb hauv Teb Chaws Meskas thiab lwm teb chaws tau ua tib zoo kawm tshawb fawb txog koob tshuaj tiv thaiv MMR thiab tsis muaj kev kawm tshawb fawb uas yuav ntseeg siab tau tias tau tshawb pom tias muaj kev cuam tshuam nrog cov mob ua rau tsis txawj hais lus thiab koob tshuaj tiv thaiv no li. Ib koob ntawm koob tshuaj tiv thaiv kab mob MMR yog: tiv thaiv tau cov mob ua qhua pias tau zoo txog 93%, tiv thaiv tau mob ua npuag tau zoo 72%, tiv thaiv mob ua qoob tau zoo 97% thiab ob koob tshuaj yuav: tiv thaiv tau kab mob ua qhua pias tau zoo 97% thiab tiv thaiv cov mob ua npuag tau zoo 86%. Kev pov thaiv yuav pib nyob hauv 2 lim tiam txij thaum tau txhaj koob tshuaj tiv thaiv kab mob MMR. Yog tias koj tau txais koob tshuaj tiv thaiv kab mob nyob hauv 72 teev tom qab kis tau tus kab mob ua qhua pias, tej zaum koj yuav tau muaj kev pov thaiv tau me ntsis; los sis muaj kev mob nkeeg tsawg zog. Cov koob tshuaj tiv thaiv kab mob, xws li ib hom tshuaj twg, tuaj yeem muaj cov mob tshwm sim tau tab sis feem ntau cov mob no yuav muaj tsawg thiab yuav cia li zoo mus lawm xwb (Chaw Muab Ntaub Ntawv Los: <https://www.cdc.gov/measles/vaccines/index.html>). Yog xav sib tham txog kev txhaj tshuaj tiv thaiv kab mob, thov tiv tauj koj (cov)tus me nyuam tus kws muab kev saib xyuas kho mob rau fab kev noj qab haus huv uas tuaj yeem teb tau cov lus nug, thiab txhaj koob tshuaj tiv thaiv kab mob.

CHEEB TSAM NROOG BROWN LUB THAWJ FAB HAUJ LWM SAIB XYUAS COV KEV PAB CUAM KEV NOJ QAB HAUS HUV THIAB TIB NEEG



Feem Hauj Lwm Saib Xyuas Kev Noj Qab Haus Huv Rau Pej Xeem

111 N JEFFERSON ST
P. O. BOX 23600
GREEN BAY, WI 54305-3600

Anna Nick, MS, Tus Neeg Dhia Hauj Lwm Saib Xyuas Kev Noj Qab Haus Huv Rau Pej Xeem

TUS XOY TOOJ: (920) 448-6400
@BrownCountyPublicHealth

FEV: (920) 448-6449

VEV XAIB: www.StayHealthyBC.com

FACEBOOK:

Cheeb Tsam Nroog Brown Feem Saib Xyuas Kev Noj Qab Haus Huv Rau Pej Xeem ua tswv cuab rau cov chaw kuaj mob txog Koob Tshuaj Tiv Thaiv Kab Mob rau Me Nyuam Yaus (VFC) hauv txhua hli, suav nrog kev txhaj koob tshuaj tiv thaiv kab mob MMR.Cov

me nyuam yaus uas muaj cai mus txhaj tau yuav muaj cov uas tsis muaj kev tuav pov hwm kev noj qab haus huv, cov uas muaj Badger Care (Medicaid), los sis cov uas yog Neeg Khab Mes Kas los sis Neeg Alaska Xeeb Txawm.Cov uas muaj kev tuav pov hwm tsawg tuaj yeem tau txais kev txhaj tshuaj tiv thaiv kab mob ntawm N.E.W.Lub Chaw Kuaj Mob Hauv Zej Zog (hu rau 920-437-7206).Rau npe rau lub chaw kuaj mob txog VFC tau ntawm no:

<https://www.stayhealthybc.com/residents/immunizations/childhood-vaccination-program/> (los sis los ntawm kev xab kees tus zauv QR xub thawj no nyob hauv qab no).



Puas yog tsis paub tseeb seb koj los sis koj (cov)tus me nyuam puas tau txais kev pov thaiv tus mob ua qhua pias? Kuaj xyuas koj cov ntaub ntawv teev tseg txog kev txhaj tshuaj tiv thaiv kab mob hauv Wisconsin tus vev xaib hais txog Kev Rau Npe Txhaj Tshuaj Tiv Thaiv Kab Mob tau ntawm no: <https://www.dhs.wisconsin.gov/immunization/wir.htm> (los sis los ntawm kev xab kees tus zauv QR no nyob hauv qab no).



Yog tias koj xav tias koj tau kis tus mob ua qhua pias thiab tab tom muaj cov tsos mob: thov hu rau koj tus kws muab kev saib xyuas kho mob thiab nyob twj ywm hauv tsev! Qhov no yuav pab kom txhob muaj kev sib mis tus mob ua qhua pias mus rau lwm tus, uas yog **tus kab mob vais lav uas sib kis tau yooj yim heev ntawm ib tug neeg mus rau ib tug thiab tuaj yeem tseem yuav nyob tau hauv tej huab cua ntev li 2 teev.**Kev mus nres yuav khoom nyob ntawm lub khw muag khoom ib zaug xwb tuaj yeem kis tau lwm tus neeg li 9-12 leeg hauv ncuva sij hawm luv-luv li ntawd.

Cov tsos mob:

Ua Npaws Heev (yuav kub nce siab tshaj 104° F)

Hmoos

Los Ntswg

Qhov Muag Liab, Los Kua Muag

CHEEB TSAM NROOG BROWN LUB THAWJ FAB HAUJ LWM SAIB XYUAS COV KEV PAB CUAM KEV NOJ QAB HAUS HUV THIAB TIB NEEG



Feem Hauj Lwm Saib Xyuas Kev Noj Qab Haus Huv Rau Pej Xeem

111 N JEFFERSON ST
P. O. BOX 23600
GREEN BAY, WI 54305-3600

Anna Nick, MS, Tus Neeg Dhia Hauj Lwm Saib Xyuas Kev Noj Qab Haus Huv Rau Pej Xeem

TUS XOY TOOJ: (920) 448-6400
@BrownCountyPublicHealth

FEV: (920) 448-6449

VEV XAIB: www.StayHealthyBC.com

FACEBOOK:

Ua pob khaus uas yuav tawm pob hauv 3-5 hnuv tom qab pib muaj cov tsos mob. Feem ntau pib ua cov pob liab me tsis o tuaj rau ntawm ntsej muag ntawm tej ntug plaub hau ces kis nqis mus rau caj dab, lub cev, ob sab caj npab, ob sab ceg, thiab ko taw.

Ncua Sij Hawm Sib Kis: ib tug neeg tuaj yeem kis tau tus kab mob vais lav qhua pias li 4 hnuv ua ntej mus txog 4 hnuv tom qab yuav tawm pob liab. Tag nrho ces, ncua sij hawm sib kis ces yog 9 hnuv, pib txij thaum hnuv 0 uas pib muaj pob liab.

Yog tias koj xav nrhiav kev saib xyuas kho mob: thov **hu ua ntej** thiab ceeb toom qhia rau lub chaw muab kev saib xyuas (tu) mob ntawd paub tias koj ntseeg tias koj tau mus kis tus mob ua qhua pias thiab xav nrhiav kev saib xyuas kho mob rau cov tsos mob ntawd. Qhov no yuav muab tau sij hawm rau lub chaw muab kev saib xyuas (tu) mob npaj txhij thiab pov thaiv lawv tus kheej thiab lwm tus kom zoo hauv lub chaw kho mob.

Yog xav paub ntau ntxiv mus saib hauv: <https://www.cdc.gov/measles/signs-symptoms/index.html>

Tsis tas li ntawd los, peb ua tib zoo ceeb toom tias DHS muaj Txoj Cai Hais Txog Kev Cais Tawm: Raws li DHS 144.07, (10) “Yog tias muaj kev sib kis kab mob loj heev, raws li tau teev tseg nyob hauv s. DHS 144.02 (21), hauv tsev kawm ntawv los sis lub chaw zov me nyuam, los sis hauv nroog hauv qhov uas lub tsev kawm ntawv los sis lub chaw zov me nyuam nyob, lub tsev kawm ntawv los sis lub chaw zov me nyuam yuav cais cov tub ntxhais kawm ntawv uas tseem tsis tau mus txhaj tshuaj tiv thaiv kab mob uas yuav tsum tau txhaj puv ntawd tawm, suav nrog cov tub ntxhais kawm ntawv hauv txhua qib kawm uas tseem tsis tau txhaj 2 koob tshuaj tiv thaiv kab mob ua qhua pias, thaum muaj kev sib kis tus kab mob ua qhua pias uas tab tom tshwm sim, thaum muaj lus txib kom ua li ntawd los ntawm lub thawj fab hauj lwn. Kev cais tawm yuav siv sij hawm mus kom txog thaum tus tub ntxhais kawm ntawv tau txais kev txhaj tshuaj tiv thaiv kab mob los sis mus txog thaum lub thawj fab hauj lwm txiav txim siab tias kev sib kis kab mob tau ntsiag lawm.” (Wisconsin Xab Phas Tsim Kev Cai Lij Choj: Tshooj DHS 144)

Peb txhua leej tuaj yeem ua hauj lwm ua ke los pab koj, koj (cov) tus me nyuam, thiab Cheeb Tsam Nroog Brown muaj kev nyab xeeb thiab muaj kev noj qab haus huv.

Ua tsaug,

Brown County Lub Chaw Saib Xyuas Kev Noj Qab Haus Huv Rau Pej Xeem